

Broj: 03-02-343/2022  
Sarajevo, 07.04.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 08-04-2022			
Org. jed.	Broj	Priloga	Vrijednost
02-	02-	572/22	

**PARLAMENT FEDERACIJE  
BOSNE I HERCEGOVINE**

- Dom naroda -  
gosp. Tomislav Martinović, predsjedavajući

**PREDMET: Mišljenje Vlade Federacije Bosne i Hercegovine**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o dopuni Zakona o porezu na dohodak – skraćeni postupak, kojeg su podnijeli Nijaz Musić i Aljoša Čampara, delegati u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 310. sjednici, održanoj 07.04.2022. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



**PREMIJER**

Fadil Novalić

Prilog: kao u tekstu na bosanskom jeziku

**Cc: Federalno ministarstvo finansija -  
Federalno ministarstvo financija  
gđa Jelka Milićević, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o dopuni Zakona o porezu na dohodak – skraćeni postupak, kojeg su podnijeli Nijaz Musić i Aljoša Čampara, delegati u Domu naroda Parlamenta Federacije BiH, Vlada Federacije Bosne i Hercegovine je, na 310. sjednici održanoj 07.04.2022. godine, utvrdila sljedeće

### MIŠLJENJE

Dostavljenim Prijedlogom zakona o dopuni Zakona o porezu na dohodak, u članu 5. u stavu 1. Zakona o porezu na dohodak („Službene novine Federacije BiH“, br. 10/08, 9/10, 44/11, 7/13 i 65/13), dodaje se tačka 13) koja glasi: „13) sve subvencije, premije i druga sredstava koja se u svrhu poticanja razvoja poljoprivrede, plaćaju, odnosno isplaćuju iz budžeta Federacije, kantona i jedinica lokalnih samouprava na poseban namjenski račun nosiocu porodičnog poljoprivrednog gazdinstva koji je upisan u registar poljoprivrednih gazdinstava u skladu sa propisima koji uređuju tu oblast.“

Kao razlog donošenja Zakona o dopuni Zakona o porezu na dohodak predlagači navode olakšavanje poslovanja u poljoprivrednoj djelatnosti i rasterećenje poljoprivrednih proizvođača koji se nalaze u veoma teškoj situaciji, posebno uslijed poremećaja na globalnom svjetskom tržištu nastalih zbog trenutnih ratnih dešavanja koji se reflektiraju i na poljoprivredu kao jednu od strateških grana na kojoj bi se trebao bazirati razvoj Bosne i Hercegovine. Stoga se navedeno rasterećenje poljoprivrednih proizvođača predlaže na način da se poljoprivredni proizvođači izuzmu od obaveze plaćanja poreza na dohodak na sredstva koja im se daju iz budžeta Federacije, kantona i jedinica lokalnih samouprava u svrhu poticanja razvoja poljoprivrede.

U okviru reforme sistema oporezivanja dohotka fizičkih lica Vlada Federacije Bosne i Hercegovine je prepoznala značaj i potrebu poticanja razvoja poljoprivredne djelatnosti i kroz sistem oporezivanja dohodaka fizičkih lica i to u Prijedlogu zakona o porezu na dohodak koji je u parlamentarnoj proceduri. Prihodi po osnovu premija, subvencija i drugih sredstava koja se u svrhu poticanja razvoja poljoprivrede plaćaju, odnosno isplaćuju iz budžeta Federacije, kantona i jedinica lokalnih samouprava na poseban namjenski račun nosiocu porodičnog poljoprivrednog gazdinstva koji je upisan u registar poljoprivrednih gazdinstava u skladu sa propisima koji uređuju tu oblast, u navedenom Prijedlogu zakona o porezu na dohodak svrstavaju se u prihode izuzete od oporezivanja porezom na dohodak.

S obzirom na to da bi pokretanje procedure dopune važećeg Zakona o porezu na dohodak značilo dupliranje parlamentarne procedure s obzirom na činjenicu da je u parlamentarnoj proceduri Prijedlog zakona o porezu na dohodak koji predmetne prihode predviđa kao neoporezive, mišljenja smo da se dostavljeni Prijedlog zakona o dopuni Zakona o porezu na dohodak ne prihvata.

V. broj: 443/2022  
07.04.2022. godine  
Sarajevo



**PREMIJER**

**Fadil Novalić**